

مجله تاریخی و جغرافیایی

مطبعه و محل اداره :

جغالی اوغلانده امنیت
صندوقی جوارنده
شنگول یقوشنده
۲۲ نومرو

امطار :

مسلمکمزموافق آثار
جدیده مع الممنونیه
قبول اولنور

درج ایدله یین آثار اعاده اولنماز

دیر ، فلسفه ، علوم ، حقوق ، ادبیات تاریخ ، و سیاسیانده و بالخاصه احوال و مشوره اسلامیه بحث ایررد هفته ده بر نشر اولنور .

آبونه بدلی

صاحب و مؤسسلری :

درسعادتده نسخه سی ۵۰ پاره در

ابوالعلا زین العابدین - ح . اشرف ادیب
تاریخ تأسیسی

قبرله دن مقوا بورو ایله کوندریلیرسه سنوی
۲۰ غروش فضله آلنیر

۱۰ تموز ۳۲۴

سنه لکی	التی آیانی	غروش
ممالک عثمانیه ایچون	۶۵	۳۵
روسیه	۶۵	۳۰
سائر ممالک اجنبیه	۱۷	۹

آلتیجی جلد

۲۳ رجب الفرد ۱۳۲۹ پنجشنبه ۷ تموز ۱۳۲۷

عدد : ۱۵۵

واو یصال بر آدم اوله رق طاتمشدی . رأساً مأمور اولدقن صکره ، غورست دیکشمش کی کوریندی ، مصرک حریت و مختاریتی استحصاله جالیشان وطنی و ملی حزبلرک علیهنه حکومت مصریه نك توسل ایتدیکی تدابیر شدید ، هپ آلدن غورست زمان مأموریتنده وقوعه گلشدر : حزب وطنی رئیس فرید بك آلتی آی ، شیخ عبدالعزیز ایکی دفعه بر قاج آی حبسه محکوم اولدی . وردانی . شهید ایدیلدی . مطبوعات قانونی تشدید اولنوب مستقل الرأی و ملتپرست غزله لر دن بر قاجی قناتدیریلدی . بوتون بوتضیقاتی ظاهر آ یایان حکومت مصریه ایدی ، فقط حقیقتده حکومت مصریه یی بوافعاله سوق ایدن ایپلر غورست واسطه سیله لوندره یه مربوط ایدی . ایشه بو غورست ، بر قاج کون اولیسی اولدی ، ولوندره حکومتی اونک یینه لورد کیچنری ، مصره مأمورسیاسی تعیین ایتدی .

لورد کیچنر ، بر خیلی مدت اوتده بریده سرسری طولاشدقن صکره ژاندارمه سیکباشیاغیله مصر خدیوتی خدمتته کیرمش بر ایرلاندا لی ضابطدر . کیچنرک هیچ ده شایان غبطه اولمایان ایلک آوازه شهرتی سوداندن ایشیدیلشمشدی : سردار کیچنر عنوانیه مصر و سودان عسکرینه قوماندانده ایدهرک خرطومده داخل اولدینی زمان متهمدی وعائله سنک قبرینی آجدیروب نعشی یاقدیرمش ، وکولنی نیل نهرینه آتدیرمشدی ؛ سودانک حاکمی اولان باقره قبیله سی اسرا و مجروحینی قتل عام ایتدکن باشقه اوقبیله نك قانی علی الاطلاق هدر اعلان ایله مشدی ... عصریمزک الکمدنی قومی ادعاسنده بولونان انکلیزلردن برضابطک قرون اولی فرعونلرینی آندیران بو وحشتی ، اوزمانلر متهمدینک اولیاءاللهدن اولمادیغنی اثبات ایچون ارتکاب اولنمشدر ، دیه عالم نصاراجه تصویب اولنیوردی ؛ جنرال کیچنر ، بو وحشتلرینه مکافاة خرطوم لوردی نصب ایدیلدی ، بویله جه انکلیتره مجلس اعیاننده بر موقع قرائتش اولدی . لورد کیچنر ، ترانسوال حربنک نهایتلرینه طوغری ، سوداندن آلتوب ، سفربر اردونک باش قوماندانلغه تعیین ایدیلشمشدی . اوراده ، بور عائله لرینی آچقله تسلیم آلق اصول حربنی تطبیق ایدهرک ، برچوق بیکنانه و غیر محارب قادین و چو جقارک آچلقدن اوله لرینه سببیت ویرمشدر . کیچنرک ترانسوالده بو طرز حرب ایله آلدینی شهرت فضیحه سودانده نعش یاققله قراندینی جهنمی هاله شرفدن اصلاً آشاغی قالمامشدر . ترانسوال ظفری ؛ جنرال کیچنر الی بیک انکلیز لیراسیله مشیرلک قراندیردی ، لکن بر قسم انکلیزلرک توجه و محبتی تماماً غائب ایتدیردی .

انکلیزلر بوقیل آدملری قوللانیرلر ، اما سومنار هله اصل انکلیتره ده هیچ اوطور تمازلر ، مطلقاً مستملکانه کوندروب ، باشقه لرینک باشنه مسلط ایدرلر ... کیچنر ، ترانسوالدن هندستان باش قوماندانلغه تعیین اولونمشدی ، شمدی ده مصره کوندریلیور . اون اون ایکی سنه لک بر غیوبتدن صکره ، کیچنرک نیل وادیسنه عودتی ، ام دنیا ساکنلرنجه پک ده سرورایله تلقی اوله جق بر حادثه اولماسی کرکدر . مع مافیه ، شهر مزده فرانسزجه چیقان بر جریده ، کیچنرک مصره

فقیر بر قادین کلدی . قوجاغنده کی چو جنی کوستردی . اون بش یکر می کون اول دوقنور دادک بر خیلی باره آله رق چو جغشک منانه سنه عملیات یادیغنی و صوکره هیچ باقیوب چو جغشک اوچ یرندن تبول ایتمکده اولدیغنی سویلدی . هکیملکک ، جراحلکک اسمی نامنه شو معامله یه تأسف اولنور . جراح نامی آلتده بوانسان قصا بلربنک ذخیر اعتسافی ونیشتر احتراصی آلتسه بویونلری عزی اوزادییسورز . فقط حالانه آکلایان ، نه سوران واردر ؟!

شون

مصر :

اسلام جمعیتلری تفسیر . — هیچ بر حقه مستند اولمادیغنی حالده مصرک صاحب ومالکی کچین انکلیتره نك طای اوزرینه قاهره ضابطه سی ، یرلیرک « تشویق معارف » جمعیتی اعضاسندن بعضیلرینی توقیف ایتدیرمشدر . بولردن باشقه « حایة ایتام » و « اتحاد اسلام » جمعیتلری اعضاسندن بعضیلرینی توقیف ایله استنطاق ایتدیرمکده در . اساساً هر اوچ جمعیت غیر سیاسی ، صرف مدنیدر . اولکی ایکسینک اسملری ، مقصدلرینی ایضاحه کافی اولوب ، « اتحاد اسلام » جمعیتی ده انجق بین المسلمین موجود اختلافات مذهبی نك ازاله سنه جالیشیر بر هیأت دینه دن عبارتدر . فقط تشویق معارف جمعیتنک غایه مقاصدی مصر اهل اسلامنی غربیلیرک مسیونر مکتبلرندن قورتارمق ایچون مکاتب خصوصیه ملیه یی تکثیر ایتک اولدیغندن ، « حایة ایتام » جمعیتی فقیر یتیملری نصرانی دارالایتمالرینه دوشوب دین و ملتلرینی غائب ایتدکن قورتارمیه جالیشدیغندن ، اتحاد اسلام ، جمعیتی ایسه اوروپانک شرق اسلامیده غلبه سنی تأمین ایدن نفاق وشقاقک ازاله سنه اوغراشدیغندن ، انکلیزلرک کوزینه باطمش وفساد وافتراک قوی وسائط سیاستندن اولان بوخیاستکار حکومت مذکور جمعیتلره افکار سیاسیة اختلالکارانه اسناد ایدهرک تضییقلرینه موفق اولمشدر .

انکلیز مأمور سیاسینک دیکشمسی . — مشهور لورد قرومرک دانشوای حادثه سی تأثیریه چکله سنی متعاقب ، سیر آلدن غورست ، مصرده انکلیز مأمور سیاسیسی تعیین اولونمشدی . قرومر مصری ، هر خصوصده لوندره یه طانیشمق محبوریتنده اولمقسزین ، یعنی واسع بر مآذونیت ایله وبالذات اداره ایتمکده ایدی . مصرده هر کس بیلیو - ردی که اصل حاکم لورد قرومردر . مصر افکار وحرکات ملیه سنک قوت وشدت کسب ایتمه سی ، آلدن غورست زماننده ، ایکنجی بر طرز سیاستک تعقیبنی استلزام ایتدیردی . انکلیتره حکومتی سیر غورسته ، لورد قرومر قدر واسع مآذونیت ویرمدیکی کی ، بوتون اموری حکومت مصریه نامنه تدویر ایتک اصولی تعقیب ایتدیردی . غورست ، قرومرک برینه کچمده دن اول ، طول مدت مصر داخلیه ومالیه نظارتلری مستشارلغنده بولنش و رجال مصریه کنسیدنی حلیم

کلیشی مصر و طنبرورلری ایچون فال خیر عد ایدیور : شدت دیور ، علی الاکثر حلم و تدبیرک تسکینه موفق اولدیغی حسیاتی غلیان ایتدیرر ، و نهایت طاشیریر ... باقلم ، بوتقال طوغری چیقه جقمی ؟

روسیه

اتحاد اسلام افطربنک انشاری . — روسیه حریبه نظارتنک جریده رسمییه سی اولان «روسقی انوالید» غزته سی واوندن آلهرق محافظه کار روسیه غزته لرینک جمله سی شوخبری یازیورلر : کچن قیش ویاقا ، قازان ، اورنبورغ ولایتلرنده ساکن اماملرک و مشهور اسلامیت خادملربنک نزدلرنده ایدیلن تحریاتدن ، روسیه داخلنده اتحاد اسلام فکربنی نشر ایله مشغول کیمسه لرک موجودیتی اظهار ایتیش و مومی الیم علیهنده تعقیبات عدلیه یه ابتدار اولمشدر . «اتحاد اسلام» تشکیلاتنک بوتون وولغا حوضه سیله قافقاز قطعه سی احتوا ایتدیکی اکلاشیلور .

آرقانزل (آرمان فلسفی) ولایتلرنده کنج تورکار (۱) — روس محافظه کار و ارتجاعیون فرقه لری ، مملکتلربنک هر طرفنده کج تورک خیالی کورمک علتته طوتولمشلردر . اونلرک دیدکلرینه باقیلورسه اتحاد اسلام و سنج تورکک افکارینک پروپاگانداچیلری ، اوروپانک اقصادی شمالنده ، بحر ایض ساحلنده آرقانزل ولایتنه قدر ایلرولمشلردر . روس ارتجاعیوننک مروج افکارلرندن «روس سنجاغی» شویله یازیور :

«آرقانزوله کنج تورکارک اختلال حاضرلایان تشبثلرینه دائر «برقاج دفعه یازیلیدی . شمعی ینه بردیلینی کوستریورز : آرقانزله «شهری اماملغنه ، قاهرده کنج تورک مدرسه سی (بویله برمدرسه نک «پک قورقاق روس سنجاغنک انجق واهمه سنده موجود بواندیغی «سوله یه حاجت واری ؟) محصلولاندن «همزین افندی انتخاب «اولومشدر . بوامام مکتبتدن روسجه دیانی قوغیور . بوندن باشقه ، «آرقانزله ک تاتارلری ، کله جک دوما انتخاباتنده کنج تورکاره طرفدار «قاده» فرقه سی اعضاسنی سچمه یه چالیشه جقلردر . — آرقانزله ایده کنج تورک اختلالی حاضرلاندیغنه دائر ، روس سنجاغنک اراده ایتدیکی وایلاک حرکت اولدیغی واقعا ، برآز شبهه لیدر . فقط ، روسیه ده بر قسم خلک احوال روحیه سی کوستردیکی جهته شایان تأملدر .

نصیقات . — «الوغ مه تسکه» ایلمده برنجی محله امامی ملاصالح حضرتک خاناسنه یوایس مأمورلری کله رک خانه سنده و مدرسه سنده تحریات اجرا ایتیشلر ، بعض اوراقی مصادره ایتدکلری کبی ملا حضرتلرینه توقیف ایتیشلردر .

§ سیمی ولایتنده معلم میر یعقوب افندی خانه سنده تحریات اجرا ایدیلوب ، توقیف اولومشدر .

§ قافقازیانک کنجه (ایلز اوپوسی پول) شهرنده اولدجه مکمل

برمدرسه واردر . بومدرسه ده علوم دینی و نقلیه ایله برابر علوم عقلیه و ریاضیه ده او قودیلیمده ایدی . کنجه مدرسه سی ، بوندن یدی سنه اول حکومتک مساعده سیله ، پروغرامی حکومتدن تصدیق ایتدیرلهرک آچلمشدی . مدرسه نک درس لری آنادیلنده یعنی تورکجه او قودیلوریدی ؛ مع مافیه لسان رسمی اولان روسجه ده آیر وجه او کره دیلوریدی . کنجه والیسنک امریله ، کچن آی بومدرسه نک قیادتیریلدیغنی استخبار ایتمشک . بز ، رسماً مصدق پروغرامله درس او قودیلاز . بومدرسه روحانیه نک صرف برسوء تفهم اثری اولهرق قیادتیلدیغنی ظن ایدیور و یاقین زمانده آچیلماسنه مساعده ایدیلوب قافقازیالی دین قارده شلریمزک کندیلرینه منورالفکر علما وائمه حاضرلایان بویله بردارالتدیرسدن محروم بر اقیلماسی حکومتجه جائز کوریلیمه چکنه قانع بولنیوردق . برآی کچدیکی حالده ، بوقد اعتمزک تحقق ایتدیکنی کورمکله متأثر و متأسفر . روسیه لی رفیق لریمزدن برینک یازدیغنه کوره کنجه والیسی ، علوم دینیهدن ، یعنی التبیاتدن غیری بالجه درسلرک روسجه او قودولماسی شرطیله مدرسه روحانیه نک تکرار آچیلیمه سنه مساعده ایده چکنی مدرسه مدیری افندی یه بیلدیرمش ایش . اگر بو خبر صحیح ایسه ، قافقازیا مسلمانلربنک دارینده مرشدی اوله جق امام و عالملربنک آنا دیلربنی او کره نمه لری ، جغرافیا ، تاریخ ، ریاضیات کبی علومی ساده روسجه بیلیم لری ایسته نیلور ، دیمکدر ..

انسان ، برشو خبرلری آلور ، برده دکل روحانی مدرسه لرنده ، جسمانی مکتبلرنده بیلل لسان و ادبیاتدن صرف نظر هر درلو علوم و فونونی کندی دیالرنده افراط حریتله تدریس و تدرس ایده بیلدکلری حالده بر درلو اعتراض و تظلمدن خالی قالمایان غیر مسلم وطنداشلریمیزی کوز او کمنه کتیریور . صوکره اوروپالیرک ، آردینی آره سنی کسمه دن تورک شدت و تضییقندن بحث ایتسینی خاطر لیورده نه دیه چکنی بوسبوتون شاشیریور ...

جاپونیا :

مونفول اتحادی . — جاپونیانک معروف سیاسیونندن قونت «آقوما» ادامه سیاسیسنک آلتنده چیقان «سین نیون» (یکی جاپونیا) رساله موقوته سنده . دول معظمه نک اقصادی شرق سیاستنی تدقیق و محاکمه ایدرک ، مقاله سنک نهایتنده شویله دیور : «اگر چین اکتساب قوت ایدرده ، اوزاق شرقک صیدی قولای برشکار اولمادیغنی اوروپالیره آ کلا تیرسه ، محیط کبیر حوضه سنه صلح و آسایش تماماً تقرر ایدر . شرق ایله اوروپا آره سنده بو موازنه نک خصوصیلچون جاپونیا چینه یاردم ایتلی و بناء علیه جاپونیاده «مونفول اتحادی» فکری شر و تلقیده اولمالیدر . «آقومانک بو مقاله سی ، افکار عمومیه ده درین برتأثیر حاصل ایله مشدر .